

बुद्ध जननी मायादेवी व लुम्बिनी

[नेपाल भाषा]

(बौद्ध ग्रन्थरत्न मणिमालाया अंश)

अनुवादकः तथा प्रकाशकः ।

सद्धर्मराज बज्राचार्य

व्याकरणायुर्वेद शास्त्र

स्नातक उपाधि प्राप्त

संशोधकः ।

पं. वैद्य आशाकाजी बज्राचार्य

ललितपुर अथननी अथवाहा

बुद्ध जननी मायादेवी व लुम्बिनी

[नेपाल भाषा]

(बौद्ध ग्रन्थरत्न मणिमालाया अंश)

अनुवादकः तथा प्रकाशकः ।

सद्धर्मराज बज्राचार्य
व्याकरणायुर्वेद शास्त्रि
स्नातक उपाधि प्राप्त

संशोधकः ।

पं. वैद्य आशाकाजी बज्राचार्य
ललितपुर मथननी अथवाहा

बुद्ध-	सम्बत्	२५३५
नेपाल	सम्बत्	१११२
विक्रम	सम्बत्	२०४८

थव प्रकाशन लेखक याके सुरक्षित
सर्वाधिकार प्रकाशकाधीन

मूल्य ९।

न्हापांगु
प्रथम संस्करण - १०००

मूद्रक:- सुभाष प्रिन्टिङ्ग प्रेस, यल ।

शीर्षक પો

સંખ્યા	વિષય	પૌલ્યા
૧)	બુદ્ધ જનનીમાયા દેવી ઉત્પત્તિ	૧
૨)	વૈરોચન વ્યૂહાલંકાર અચિન્ત્યરત્ન વ્યૂહાસને માયા દેવી	૮
૩)	સુહૃષિત પ્રભંશ્વરાદેવી મહારાની	૧૧
૪)	લુમ્બિની વર્ણન	૧૫
૫)	લુમ્બિની વને માયા દેવી	૧૬
૬)	લુમ્બિની વને ભગવાન બુદ્ધયાત સિન્દૂર જાત્રા યાગુ	૨૩
૭)	બુદ્ધ ગુણ યાગુ ભવિષ્ય વાણી	૨૮

उपयुक्त विशेष खँ

थ्व बुद्ध जननी माया देवी व लुम्बिनी पुस्तक प्रकाशित अध्ययनार्थ अत्यन्त हे उपयोगी खः । श्री स्वयम्भू धर्म मुख पवित्र नेपाल शाक्यमुनि बुद्ध जन्मभूमि लुम्बिनी बने ह्लापा मेरु विशुद्ध व्यूह ध्वज घंगु नगर निर्माण ज्वी घुंकूगु जम्बु द्वीपयागु खँ खः । उगु बखते व लुम्बिनी बने राजधानीनं जुया बने घुंकल घंगु खँ महायान गण्ड व्यूह सूत्रे उल्लेख दु । उके व लुम्बिनी बनयात चातुर्द्वीपिका जम्बु द्वीप लुम्बिनी वन धागु जुया च्वन ।

हानं ८०,००० चय्दो बर्ष कोटी ह्लापा लुम्बिनी बने समन्त रत्न लोक धातु उत्पन्न ज्वी घुंकल । उगु बखते ह्लापा कपिलबस्तु महानगरयात भागवती चातुर्द्वीपिका घका धाई । उवले माया देवी बुद्ध ज्वीपि बोधिसत्व आपालं जन्म याना बने घुंकूगु खँ बुद्ध वर्णन विद्या तगु दु । थ्व यथार्थ जुया च्वंगु बौद्ध रत्न इतिहास खः ।

थजागु खँ गम्भीर जुया च्वंगु बौद्ध ग्रन्थ रत्न मणि माला तथा गण्ड व्यूह सूत्रे उल्लेख जुया च्वंगु लुम्बिनी वर्णन उद्धरण संकलन याना चिकित्ता वंगु पुस्तिका प्रकाश याना । छाया घासा बौद्ध पुरातत्व इतिहास लोप याये मज्जू घका सकल बुद्धिष्ठ सज्जन वर्ग पित्त न्यंके योग्यगु जुया अनुवाद याना प्रकाश यायेगु कुतः याना । हानं थ्व पुस्तिका सकलयान अध्ययनार्थ अत्यन्त उपयोगीनं जू ।

थजागु बुद्ध जननी माया देवीयागु वर्णन वाचना अध्ययन वन्दना अचना आदर सत्कार याये योग्यगु कुशल मूल यागु बुद्ध वर्णन धारणार्थ न पं भिगु गति प्राप्त ज्वीमा घंगु आकांक्षा अनुरूप थ्व पुस्तिका प्रकाश यानागु खः । ह्लापा यागु सुगति पुण्य संस्कारं प्रकट जूपि मानवपिसं थजागु बौद्ध ग्रन्थ रत्न मणि मालायागु ज्ञान अद्यापि ग्रहण याना च्वंगु दु ।

अनुवादकः

बुद्ध जननी मायादेवी उत्पत्ति

अप्रमेय अचिन्त्य अतीतकाले असंख्येय अप्रमाण वर्षे अपरिमित पुरा
पूर्वं काले शुभप्रभ घैंगु कत्ये मेरुद्गत श्री घैंगु लोक घातु उत्पन्न जूंगु वसते
अनेक रत्नमयं संयुक्त जुया चक्र बाल महित चाहिला च्वंगु १४ (फिप्यंगु)
करोड चातुर्द्वीप मध्ये सिंह ध्वजाग्र तेज घैंगु दध्वी लागु प्यंगु द्वीप दयाच्वन ।
व प्यंगु द्वीप मध्ये दध्वी च्वंगु द्वीपे ध्वजाग्र वती घैंगु मध्यम राजधानी
छगू दु ।

व ध्वजाग्र वती राजधानी नगरे चित्र मंजरी प्रभास घैंगु बोधिमण्ड
छगू दु । व बोधि मण्डे नेत्रश्री घैंगु बोधिमण्ड देवता देवी छहा उत्पत्ति
जुया च्वन ।

अन चित्र मंजरी प्रभास घैंगु बोधिमण्डे तुषिता भुवने च्वहा बिमल
ध्वज घैंगु बोधिसत्त्व महासत्त्व राज कुमार जुया जन्मकया युवावस्थाय राज-
दरवार ऐश्वर्य राज्य भोग दक्को त्याग याना वनान्तरे वना तपस्या याना
सुवर्णप्रभ घैंगु मार व मार सैन्य परिवार पित्त पराजित याये घुंका अनुत्तर
सम्यक्संबोधि ज्ञान प्राप्त जुया बिमल ध्वज घयाहा तथागत अर्हत् सम्यक्
सम्बुद्ध लोक नायक पुरुषोत्तम लोकविद पुरुषदम्य सारथी शास्त्रा देव मनुष्य
दक्कोया पूजनीय भगवान बुद्ध जुया बिज्यात । उगु वसते अन वसपोल बुद्ध
जन्मयाहा बुद्ध जननी मां मेहा हे जुया च्वन ।

अजागु वसते चित्र मंजरी प्रभास बोधिमण्डे उत्पत्ति जुया च्वहा
नेत्रश्री घैंगु बोधिमण्ड देवता देवी वसपोल बिमल ध्वज भगवान बुद्ध
तथागतयागु चरण कमले भोपुया वसपोल भगवान बुद्धयागु न्होने च्वना

बबे प्रणिधान याना बिज्यात ।

“हे भगवान ! हे सुगत ! जि छगू प्रणिधान याये । जि गनगन अवतरण जू वन, अन अन हे पराक्रम दुह्य चक्रवर्ती राजा ज्वीह्य पुत्र लाभ ज्वीमा । धका प्रणिधान याना बिज्यात !

थजागु प्रकारं वसपोल विमलध्वज भगवान बुद्धयागु न्ह्योने प्रणिधान यागु पुण्यं लिपा अन भगवान बुद्ध विमलध्वज तथागत निर्वाण ज्वी धुंका छगू कल्प लिपा हानं मार गणपिसं आक्रमण या वोवले अन चित्र मञ्जरी प्रभास बोधि मण्डपे ध्वजाग्रवती राजधानी नगरे नेत्रश्री वैह्य बोधिमण्ड देवता मायादेवी जुया उत्पन्न जुल । अनं लिपा चक्रवर्ती राजा महातेजं विवाह याना महारानी जुन । चक्रवर्ती राजा महातेजया राज भार्या मायादेवी महारानीया गर्भं महातेज पराक्रम राजकुमार जन्म याना बिज्यात । वनं चक्रवर्ती राजा ज्वीह्य खः ।

व राजकुमार महातेज पराक्रम युवावस्था जूवले राजा जुया राज्याभिषेक कया महातेज पराक्रम चक्रवर्ती राजा घोषणा यात । अनं लिपा मार सेना गण पित्त पराजित याना सर्वत्र सुख शान्ति याना विल ।

थुगु प्रकारं ह्वापा माया देवीं सर्व प्रथम राजा महातेज पराक्रम चक्रवर्ती पुत्र जन्म याना बिज्यागु खः ।

व राजा महातेज पराक्रम चक्रवर्ती जूवोह्य भगवान बुद्ध वैरोचन तथागतया ह्वापायागु छगू जन्म खः । राजा महातेज चक्रवर्ती शुद्धोदन राजाया ह्वापायागु जन्म खः । अथे या निम्ति मायादेवीयात वैरोचन माता प्रजादेवी (प्रजापारमिताया छगू अंश) धका धागु प्रसिद्ध जुया च्वन ।

साधन तन्त्र स्त्री प्रशंसा पतले यथे त्रैतमु दु ।

स्त्रीयः स्वर्गः स्त्रीयो धर्मः स्त्रीयमेव परं तपः ।

स्त्रीयः बुद्धः स्त्रीयः संघः प्रजापारमिता स्त्रीयः ॥

अर्थ:- मिमा घैपि स्वरुप खः । मिमा घैपि घमं स्वरुप खः । मिमा घैपि हे तःघंगु तप खः । ब थ्ये मिमा घैपि बुद्ध खः । मिमा घैपि संघ स्वरुप खः । उकेया कारणे मिमा घैपि हे प्रज्ञापारमिता खः । थव खं भगवान् शाक्यमुनि तथागतं माधन तन्त्र उपदेश विद्या विज्याबले स्त्री प्रशंसा याना विज्यागु खः । उकेया कारणे स्त्री विना तथागत भगवान् बुद्ध ज्वीह्य बोधिसत्त्व अवतरण ज्वी मखु । थुकेयागु हेतु स्त्रीयागु गर्भासय पलेस्वां खः । थुकेयागु लक्षण व अलक्षण, धर्म अधर्म तथा उत्तम मध्यम व अधम स्वरुप कयनातःगु दु । उत्तम जुया च्वंगु मुलक्षण मुधर्म व मध्यमे बोधिसत्त्व जुया अवतरण जुया च्वनी । अधम जुया च्वंगु अन्धकारे कुलक्षण अधम जुया पाप कर्म रत जुया च्वनी ।

उत्तम जुया च्वंह्य स्त्री नं भिगु कुने अवतरण ज्वी । बोधिसत्त्व जन्म यायि । मुगति मार्ग कयनी । सम्पूर्ण क्लेश मन मदेका सकल प्राणीपिन्त उद्धार ज्वीगु ज्ञानयागु आलोक कयनी । उकेया निम्ति उत्तम स्त्री घैह्य हे प्रज्ञापारमिता स्वरुप खः धका धैतल ।

उकेया कारणे वसपोल मायादेवी बुद्ध जननी प्रज्ञादेवी जूगु निम्ति तथागत ज्वीह्य बोधिसत्त्व जन्म याना विज्यागु खः ।

सर्व प्रथम राजा महातेज पराक्रम चक्रवर्तीया मां जुया विज्याह्य वसपोल मायादेवी अवले निसें गन गन जन्म का वन अन अन हे दक्को बुद्ध क्षेत्रे बोधिसत्त्व चर्य याना च्वंगु सर्वगति मुखे सर्व बुद्ध उपपत्ति ज्वीगु न्ह्योने सर्व कुशलमूल अग्रे सर्व बोधिसत्त्व चर्य चिन्तन पराक्रम कुले सर्व लोकेन्द्र गत स्थाने सर्वेश्वर भूमि सर्व गति प्रभागे मां जुया विज्याईह्य जुया च्वन ।

मायादेवी गन गन जन्म का वन, गन गन जन्म कया विज्यात, अन अन हे सकल सत्त्व प्राणीपिन्त बोधि ज्ञान परिपक्व यायेगु कारणे सर्वत्र बोधिसत्त्व जननी जुया विज्याना च्वन ।

अन चित्र मञ्जरी प्रभास बोधि मण्डे १० (फिगू) लाख तथागत भगवान् बुद्धपि उत्पन्न जुया वने धुंकल । १० (फिगू) लाख तथागत

भगवान बुद्धया मां वसपोल मायादेवी हे खः । बोधिसत्त्व जन्म ज्वीगु कुले बल्लत बल्लते यावन्त बोधिसत्त्व जन्म विकुवित पूर्व निमित्त वयना बिज्यात ।

छन्हू दिने वैरोचन व्यूहालंकार कूटांगारे स्वर्ग लोके थ्यंक वया मायादेवी दर्शन या वैच्वंहा धन्याकर नगरे जन्म जूह्य सुग्गन श्रेष्ठिदारकयात मायादेवी थुगु प्रकारं धया बिज्यात -

“हे कुल पुत्र ! अतीत काले अनन्त मध्य अपरिमाण काले तथागत भगवान बुद्ध जुया बिज्यापिनि मां जुयाह्य जि हे खः । १० (फिगू) दिशाय् प्रत्युत्पन्न काले एवं अनन्त मध्ये अपरिमाण कल्प लिपा थ्यंकं तथागत भगवान बुद्ध जू वैह्य बोधिसत्त्वया मां ज्वीह्य जि हे खः । हानं यावत् चरम भवे तथागत भगवान बुद्ध जू वैह्य बोधिसत्त्वया मां जू वने मानि । दक्को तथागतस्सिगु नाभिपण्डल रश्मि प्यहाँ वया जिगु शरीरे प्रवेश जू वैगु अवभास जिगु मिखायागु न्ह्योने वया च्वंच्वन । उकेया कारणे जित “महाप्रणिधान ज्ञान मायागत व्यूह बोधिसत्त्व विमोक्ष लाभिनी” घका घाइगु जुया च्वन । अवलेनिसें थ्व चरम भवे (अन्तिम संसारे) प्रत्येक बोधिसत्त्वपिनि जि जननी जुया वैच्वना । “भगवान वैरोचनस्य अहमेव जननी भवेयम्” ह्लापां भगवान वैरोचन तथागतया मां जि हे जुया च्वनागु खः ।

दक्को बोधिसत्त्वपि जिगु गर्भाशये च्वं वइ । अले जिगु जःगु पार्श्व याकों प्यहाँ वइ । अनंलि बोधिसत्त्व जुया जन्म ज्वी । थुगु प्रकारं वर्तमान कलियुगया प्रथम चरणे थन भागवती चातुर्दीपिका घैगु कपिलवस्तु महानगरे सिद्धार्थ नाम बोधिसत्त्वया जननी “मां” जुया वैच्वनागु खः । थ्व तःघंगु अचिन्त्य बोधिसत्त्व जन्म विकुवित द्वारा थुगु प्रकारं मायादेवी मां जुया च्वनागु खः ।

यथे खः थ्व वर्तमान काले कलियुग प्रथम चरणे थ्व लोक घातुस भगवान बुद्ध शाक्यमुनिया सर्व बोधिसत्त्व जन्म विकुवित संदर्शने जननी मां

जू वनागु खः । अथे हे ऋकु छन्द भगवान बुद्ध तथागत कनक मुनि भगवान बुद्ध तथागत, काश्यप भगवान बुद्ध तथागतया मां जुया वये धुन ।

ऋकु छन्द भगवान बुद्धया मां विश्वायणी देवी । कनक मुनि भगवान बुद्धया मां उत्तरायणी देवी । काश्यप भगवान बुद्धया मां घनवती देवी जुया जन्म कया वयाह्य जि हे खः । अथे हे जि सिद्धार्थ कुमार बोधिसत्त्व जन्म याना । व सिद्धार्थ कुमार लिपा तपोवन वना मार पराजय याये धुंका शाक्यमुनि भगवान बुद्ध जुया च्वन ।

थुगु प्रकारं थ्व भद्र कल्पे अनागते लिपा नं तथागत ज्वीह्य भगवान बुद्धया मां जू वने मानि । गथे घासा थौं कन्हे तुपिता भुवने बोधिसत्त्वया राजा मैत्रेय बोधिसत्त्व जुया च्वंहा लिपा हानं तुपिता भुवनं च्युति संदर्शन काल समये सर्व बोधिसत्त्व उपपत्ति संभव गर्भ संवभास विकृवित संदर्शन बुद्धप्रभासयागु रश्मि उत्पत्ति जुया वंगु वळ्ते सर्व धर्म धातु नय स्थाने व यावन्त जिगु धर्म धातुनय स्थाने उत्पत्ति जुया वंगु फुक्क अवभास जिगु न्ह्योने वया च्वनी । थजागु रश्मि अवभास वैवले व मैत्रेय बोधिसत्त्व मनुष्य लोके मनुष्य राजाया कुले जन्म उपपत्ति संदर्शन द्वारा मनुष्य जुया जन्म का वइ । अजाबलेनं जि व बोधिसत्त्वया मां जू वने मानि ।

व मैत्रेय बोधिसत्त्व लिपा थ्व हे भद्र कल्पे अनन्तगुणनिधि भगवान बुद्ध तथागत जुया सकलयात बोधिज्ञान कना जगत उट्टार याइ ।

अवले व मैत्रेय बोधिसत्त्वया लिपा तुपिता भुवने राजा सिंह बोधिसत्त्व उत्पन्न जू वइ । अनं लिपा प्रद्योतकेतु बोधिसत्त्व उत्पन्न जू वइ । अनं लिपा सुनेत्र बोधिसत्त्व उत्पन्न जू वइ । अनं लिपा कुसुम बोधिसत्त्व उत्पन्न जू वइ । इत्यादि थुपि फुकं अनेक मेमेपि बोधिसत्त्वपि नं मनुष्य कुले जन्म कायेत जिगु गर्भद्वारा जन्म जुया भगवान बुद्ध तथागत जू वैतिनि । बोधि-सत्त्वपि मनुष्य कुले जन्म काइबले जिगु नां अनेक प्रकारं नामकरण ज्वी ।

ह्लापायागु अपरिमाण कल्पे मनुष्य कुले बोधिसत्त्व जन्म यानाबले

राजा ज्योतिष्प्रभया राज भार्या पद्मप्रभा महारानी जुयाचवना । अबले नं चक्रवर्ती राजा जू वह्य पुत्र जि जन्म यानागु खः । व पुत्रं सर्वरत्न शिखर ध्वज मध्यम लोक धातुस अति वृष्टि अनावृष्टि जूबले सकल हाहाकार जुयाचवंगु बखते उद्धार याना विल ।

व पद्मप्रभा महारानीया पुत्रयागु नाम राजकुमार सर्वधर्मनिर्नाद छत्र ध्वज मण्डल निर्घोष खः । लिपा व राजकुमार राजा जूबले उद्धार यागु खः । व उद्धार याह्य ह्तापां वैरोचन तथागतयागु छगू जन्म खः । ज्योतिष्प्रभ राजा लिपा शुद्धोदन जू वह्य खः । (ध्व खँ अलग हे उल्लेख जुयाचवंगु दु) ।

श्व त्रिसाहस्र महासाहस्र लोक धातुस श्व हे भद्र कल्पे तथागत अर्हत् सम्यक्सम्बुद्ध भगवान जुया वं पि बुद्धया मां जननी जुया वयाह्य जि हे नातुं खः । यावन्त अनन्त कल्प तकं जि बोधिसत्त्वया मां जुया चवनेमागु जिगु उद्देश्य खः ।

ह्तापा पुरापूर्व काले पद्मश्रीगर्भ संभवा महारानी जुया राजा घनपतिया राजभार्या जुयाचवना । उगु बखते सूर्य गात्र प्रवर तथागत अर्हत् सम्यक्सम्बुद्ध भगवान बुद्धयात सेवा याना चवना । वसपोल सूर्यगात्रप्रवर तथागत भगवान बुद्धया मां मेह्य हे जुयाचवन । उगु बखते जि जन्म यानाह्य पुत्र राजकुमार तेजोधिपति खः । व शाक्यमुनियागु हे छगू पूर्व जन्म खः । (थुकेयागु जातक खँ अलग हे दु) ।

ह्तापा पूर्व काले श्व लुम्बिनी बने सुहृषित प्रभेश्वरादेवी महारानी जुया चवनाबले नं ईश्वर गुणापराजित ध्वज तथागत भगवान बुद्ध जूह्य बोधिसत्त्व जन्म यानागु खः ।

जि ह्तापा सर्वप्रथम उत्पत्ति जुयाबले नेत्रश्री नाम बोधिमण्ड देवता देवी खः । चित्र मञ्जरीप्रभास बोधिमण्डे विमलध्वज तथागत भगवान बुद्ध बिज्याबले जि थुगु प्रकारं प्रणिधान याना ।

“हे भगवान् ! हे मुनि ! जि मन गन जन्म का वन, अन अन हे पराक्रम दुह्य चक्रवर्ती राजा ज्वीह्य पुत्र लाभ ज्वीमा घका प्रणिधान याना वयागु खः ।” अनं लिपा सर्वप्रथम महातेज पराक्रम चक्रवर्ती राजा जन्म याना मायादेवी धायेका वयागु फलं “महाप्रणिधान ज्ञान मायागत व्यूह बोधिसत्त्व विमोक्ष लाभिनी” जूगु खः घका स्वर्ग लोके वैरोचन व्युहालंकार अचिन्त्यरत्न व्यूहासने थ्यंक वया यःत दर्शन या बोह्य पराक्रम ऋद्धि सिद्धि दुह्य सुघन श्रेष्ठि दारकयात मायादेवी थुगु प्रकारं बोधिसत्त्व जननीयागु दृष्टान्त कना विज्यात थंगु खँ गण्डव्यूह सूत्र माया परिवर्ते उल्लेख दु ।

यजागु खँ सुनां लुमंका धारणा याना बुद्ध जननी मायादेवीयात पूजा याना च्वनी । वयात स्वर्गे मायादेवी दर्शन प्राप्त ज्वी घका नं घेतगु दु ।

। शुभम् ।

वैरोचन व्यूहालंकार अचिन्त्यरत्न व्यूहासने मायादेवी

मायादेवीं सर्वप्रथम महातेज पराक्रम राजा चक्रवर्ती जन्म याये धुंका स्वर्गारोहण जुया पूर्व कालया तथागत जननी बोधिसत्त्व विकुर्वित प्रभास क्यनीह्य मायागु व्युत्पत्ति स्थाने विमलध्वज भगवान् बुद्ध जूह्य बोधिसत्त्व जन्म याना विज्याह्य जननी मां समान व हे लक्षण रूप अलंकारं विभूषित तुल्य जुया च्वंप्पि बुद्ध माता परिवार गण च्वनीगु वैरोचन व्यूहालंकार अचिन्त्यरत्न व्यूहासने देवलोके वसपोल मायादेवी विराजमान जुया विज्यात ।

भगवान् वैरोचन पाद मूले विविधरत्न व्यूह महामणि राज पद्मगर्भासन यागु न्ह्योने रत्ननेत्रा नाम जुया च्वंह्य गगन देवता (आकाश देवता) छह्य अनेक विभूषण अलंकार सहित जुयाच्वंह्य आकाशे अनेक गगन देवता परिवारप्पि मुंका अचिन्त्यरत्न व्यूहासनया बोधिमण्ड द्वारयागु न्ह्योने द्वारपाल जुया च्वन ।

हानं व बोधिमण्ड द्वारया दुने घर्मपद्मश्री कुशला शरीरकाइकाह्णी श्रीमञ्जरीप्रभावा देवता तथा असंख्य देवतापिसं चाहुयेका च्वन । बोधिमण्ड द्वारया छ्वाखेरं अनेक रश्मियागु तेज पञ्चरश्मि जालयागु ज्योति प्रकाशं जाज्वल्यमान ज्वीक तेज थिना च्वन । व रश्मि जाल प्रकाशयात मनुष्ययागु मिस्सा मांस चक्षुं स्वये फेमखु । तथा मनुष्ययागु मांस चक्षुं खनीगुनं मखु ।

किन्तु विरजप्रभास दिव्यचक्षु, विरजपतिनाम दिव्य चक्षु, विशुद्ध गति चक्षु, वैरोचनप्रभ दिव्य चक्षु, समन्तप्रभ नाम दिव्य चक्षु, समन्तावभास

नाम दिव्य चक्षु चैंगु ज्ञान चक्षु दिव्य मित्रा दुष्ट बोधिमन्त्र ममानपिमं जक
खनीगु जुयाचवन ।

अजागु रश्मि जान नाधे जुया वना बोधिमण्ड द्वाग्या दुने सुनेत्रां नाम
देवतेन्द्र देवता चवनीगु थाय् दु । व सुनेत्रां नाम देवतेन्द्र बोधिमन्त्र संगीति
प्रासादे दोलंदो द्वारपाल गणया मानिक जुया चवन । अन अजावि द्वारपाल
गण चवनीगु थाय् दु ।

हानं व द्वारपालं दुने च्वंगु बोधिमण्डे सर्वरत्न वणं गन्धमणि राजकेशर
असंख्य रत्न जाल निर्माण याना तःगु दु । हानं अनं दुने धर्म घातु दिक
ममवमरण गर्भ नाम कूटांगार दु । व कूटांगारे सर्वमणिराजमयपरिपूर्ण
स्नम्भ सहस्र शाभायमान जुयाच्वंगु रश्मि तेज दु । व कूटांगार मध्ये अनेक
अनेक दिव्य सुवर्ण कनक अपंख्य अनेक मणिरत्न व्यूह याके शाभायमान
जुया च्वंगु सुगन्धित दक्को स्वां विवित्र कुमुम स्वां विकसित जुया चवन ।

हानं सर्वरत्न किकिणी जाल ध्वज पटाका व्वेका तःगु दु । मनयात
सुख आनन्द ज्वीगु मधुर स्वर वया चवनीगु दु । अनं दुने हान रत्न भवन-
यागु लुखा दु । अन भूत काल, वर्तमान काल तथा भविष्य कालयापि बुद्ध
नाम काङ्गु कनक घण्टामाला पाखें मधुर स्वर वया चवनीगु जुया चवन ।
हानं सकल बुद्धपिगु धर्म चक्र महामणिराज घण्टामाला पाखें मनोज्ञ स्वर
आनन्दमय स्वर वया चवनीगु जुया चवन । भूत, वर्तमान, भविष्य काल तकं
तथागत जन्म परम्परा प्रतिभास वयनीगु आदित्य गर्भ मणिराज पंक्ति द्वारा
१० (फिगु) दिशाया सर्वबुद्ध क्षेत्रविधि पथ रश्मि प्रकाश वया चवनीगु
जुया चवन ।

अन सर्वं तथागत प्रभामण्डल माला अवभामप्रभुञ्जन वैरोचन
मणिराज पंक्ति रश्मि तेज वया चवनीगु दु । थजागु अनेक प्रकारयागु पञ्च
रश्मि मण्डलयागु आसने अचिन्त्यरत्न व्यूहासने मायादेवी ध्ये च्वपि परिवार
गण सहित मुना त्रैलोक्य समति क्रान्त रूपं, सर्वमत्वमुखोप दर्शन रूप आकाश
-धातु प्रकृति परिशुद्धि रूपं तथा बोधिसत्त्व प्रणिधि ज्ञान रूप अग्रणी जुया

वैरोचन व्यूहालंकार कूटांगार अचिन्त्यरत्न व्यूहासने माया देवी विराजमान
जुया च्वन ।

वसपोल माया देवीयात अनेक देव कन्या अप्सरागण पिसं श्रद्धा आदर
सत्कार पूजा अर्चना यांना भविष्यकाले तथागत जू वैगु बोधिसत्व विकुवित
खं न्यना तथागत दर्शन यायेत माया देवी गनगन जन्म का वनी, अन अन
त्यू त्यू जन्म कावनेगु प्रतीक्षाय् च्वं च्वन ।

वसपोल माया देवी स्वर्ग लोके वैरोचन व्यूहालंकार अचिन्त्य रत्न
व्यूहासने च्वना वखत वखते गुवलें वशवर्ति देव कन्या अप्सरा रूप कया
च्वनी । गुवलें सुनिमिता अप्सरा रूप कया च्वनी । गुवलें तुषिता भुवनया
देवकन्या अप्सरा रूप कया च्वनी । गुवलें सुयामा देवकन्या अप्सरा रूप कया
च्वनी । गुवलें त्राय त्रिशा देवकन्या अप्सरा रूप कया च्वनी । गुवलें
चतुर्महाराजिक कायिका अप्सरा रूप कयाच्वनी । गुवलें इन्द्र कन्या
देव कन्या अप्सरा रूप कया च्वनी । गुवलें महोरगेन्द्र कन्या रूप कया च्वनी
गुवलें मनुष्येन्द्र कन्या रूप कया च्वनी । ईत्यादि अनेक जातया प्रकारं
कन्या रूप कया च्वनीगु जुया च्वन ।

भविष्यकाले तथागत ज्वीम्ह बोधिसत्व गन गन जन्मका वनी । अन
अनहे वना अनेक रूप जुया जन्म कया लिपा कालान्तरे हानं मायादेवी
भुवने अचिन्त्यरत्न व्यूहासने देव लोके नातु त्याहां विज्याना तथागत दर्शन
यांना च्वनीगु जुया च्वन । उकेया कारणे माया देवी यात “ महाप्रणि धान-
ज्ञान मायागत व्यूह बोधिसत्व विमोक्ष लाभिनी ” जुया च्वंगु खः ।

थजागु खं ज्ञान चक्षु व पुरुषार्थ ऋद्धि सिद्धि प्राप्त जुया च्वम्ह तथा
मंजुश्री बोधिसत्व कुमार यागु अष्ट सिद्धि प्राप्तम्ह मुघन श्रेष्ठ दारक
स्वर्ग लोके अचिन्त्यरत्न व्यूहासने माया देवी दर्शन या वं बले थजागु हेतु दर्शन
प्राप्त जुल वंगु खं गण्ड व्यूह सूत्रे माया परिवर्ते उल्लेख जुया च्वंगु खः ।

परन्तु थजागु खं सुनां न्यनी, न्यना नित्य लुमंका पूजाअचना वन्दना प्रणाम
यांना च्वनी । थजाम्ह भक्तजन यातनं वसपोल मायादेवी अनेक रूपकया
दर्शन वी, वंगु खं नं उल्लेख जुया च्वंगु दु ।

सुहर्षित प्रभेश्वरादेवी महारानी

(मायादेवीयागु अतीत कालया छं)

लुम्बिनी बने ह्लापा पूर्व काले जम्बुद्वीप देश निर्माण जुया राजधानी जुया बने धुं कल । थव लुम्बिनी बने ह्लापा तथागत जुया विज्यापि १०००० (किदोलं) मयाक बोधिसत्त्व जन्म कया तथागत जुया बने धुं का ८०,००० (चय्दो) वर्ष कोटीया ह्लापायागु छगू कल्पे समन्तरत्न लोक घातु उत्पन्न जुल । व समन्तरत्न लोक घातु चातुर्द्वीपिका मध्ये जम्बुद्वीपया राजधानी लुम्बिनी बने मेरु विशुद्ध व्यूह ध्वज घैंगु नगर निर्माण जूगू बखते व जम्बुद्वीपया राजधानी मेरु विशुद्ध व्यूह ध्वज घैंगु नगरे राजा रत्नाचि नेत्रप्रभ चक्रवर्ति उत्पन्न जुया च्वन । व राजा रत्नाचि नेत्रप्रभ चक्रवर्तिया राज भार्या सुहर्षितप्रभेश्वरादेवी महारानी जुया च्वन ।

छन्हु दिने सुहर्षितप्रभेश्वरादेवी महारानीयागु गर्भे तुषिता भूवनं क्वहाँ विज्याह्य बोधिसत्त्व गर्भं वास जुल । लिपादश मासान्ते सुवर्णपुष्पाभ मण्डलया तःघंगु उद्यान वगैचाया दथ्वी शुभरत्न विचित्र कूट घैंगु कूटांगारे सवं घर्म रूपी बोधिवृक्षया मुख्यगु बोधि वृक्ष शाखा बोधि सिमा कच्चायागु मध्य भाग जःगु ह्लाःतं ज्वनाच्चगु बखते ईश्वर गुणापराजितध्वज बोधिसत्त्व कुमार जन्म याना विज्यात । महारानी सुहर्षितप्रभेश्वरादेवीयागु गर्भद्वारा भगवान बुद्ध तथागत ज्वीह्य बोधिसत्त्व जन्म कया विज्यात ।

लिपा ईश्वर गुणापराजितध्वज बोधिसत्त्व कुमार युवावस्था जूवले राज्ययागु अधिकार सम्पूर्ण ऐश्वर्य भोग दक्को त्याग याना वनान्तरे वना आस्फाण योग तप ध्यान याना चतुर्मार गणपिन्त पराजय याना मार विजय याये धुं का

अनृत्तर सम्यक्बोधि ज्ञान प्राप्त याना ईश्वर गुणापराजित ध्वज भगवान् बुद्ध तथागत जुया सकल प्राणोगणपिन्त उद्धार याये निमित्ते धर्म चक्र प्रवर्तन याना बिज्यात । भवांग नय व शोक परिदेव दुःख दोर्मनस्योपायासं मुक्त ज्वीगु निर्वाणपर्यवसायी महायान धर्म बोधि ज्ञान उपदेश विया बिज्यात ।

वसपोल ईश्वर गुणापराजित ध्वज भगवान् बुद्ध तथागत लुम्बिनी बने बोधिसत्त्व जुया जन्म कया बिज्याबले लुम्बिनी बने च्वंहा सुतेजोमण्डलरति श्री रात्री देवता लुम्बिनी देवी उगु वल्लते विमलसंभवप्रभा घंहा घाइ मां जुया च्वन ।

ईश्वर गुणापराजित ध्वज बोधिसत्त्व कुमार पालन पोषण यायेत विमल संभवप्रभा घाईमां नं लःह्लाना काये मात्र तःवंगु महाप्रीति प्रामोद्य-वेग प्रतिलब्धा समन्तचक्षुर्विषयनाम समाधि लाभ जुल । विमलसंभवप्रभा घाईमांयागु शरीर ह्लापा सोया नं बांलाना वल । तारागण स्वया तेज नं बढे जुल ।

त्रिसाहस्र महासाहस्र लोकधातुस सम्पूर्ण परमाणु रजः समान अवतरण जुया बिज्याये घुंकूपि तथागत भगवान् बुद्धपि मायादेवीयागु रोम विवरतेज द्वारा दर्शन प्राप्त जुल । हानं निपा तथागत जुया बिज्याइपि बोधिसत्त्व गणपि न दर्शन प्राप्त जुल । वसपोल ईश्वर गुणापराजित ध्वज बोधिसत्त्व कुमार्यात विमल संभवप्रभा घाईमां नं पालन पोषण याना च्वंच्वन ।

निपा वसपोल ईश्वर गुणापराजित ध्वज बोधिसत्त्व कुमार युवावस्था जूवने वनान्तरे वना तपस्या याना बिज्यात । मारगण पराजय याये घुंका ईश्वर गुणापराजित ध्वज भगवान् बुद्ध तथागत जुया बिज्याबले विमलसंभव प्रभा (लुम्बिनी देवी) घाईमां नं अनेक प्रकारं पूजा अर्चना वन्दना याना वर्मोपदेश न्यना च्वन ।

थुजागु प्रकारं लिपा अनन्तर मय्यकम्बुद्ध तथागत भवागन बुद्ध जुया विज्याह्मि बोधिसत्त्वपिगु बोधि ज्ञान सीकेत तथा दर्शन यायेत एवं तथागत जुया विज्याह्मले धर्मोपदेश न्यनेत लुम्बिनी वने च्वना विहार धाना च्वनीह्म लुम्बिनी देवी सुतेजो मण्डलरति श्री रात्रीदेवता घंहा लिपा लुम्बिनी वने बोधिसत्त्व कुमार जन्म अवतरण ज्वीवले घाईर्मा जू वंहा जुया च्वन ।

वस गेल ईश्वर गुणापराजित ध्वज बोधिसत्त्व जन्म याना विज्याह्म सुहृषित प्रभेश्वरादेवी महारानी मेह्म मखु मायादेवी हे छः । राजा रत्नाचि नेत्रप्रभ घंहा राजा शुद्धोदनयागु ह्लापायागु जन्म छः । थुगु प्रकारं माया देवी ह्लापा नं सुहृषित प्रभेश्वरादेवी महारानी जुया विज्याह्मले ईश्वर गुणापराजित ध्वज तथागत भगवान बुद्ध जूह्म बोधिसत्त्व जन्म याना विज्यात ।

वथ्यें नातुं थुगु प्रकारं लुम्बिनी वने त्रेता युगे विश्वायणी देवी महारानी जुया विज्याह्मले कनक मुनि भगवान बुद्ध जुया विज्याह्म बोधिसत्त्व जन्म याना विज्यात । हाने द्वापर युगे घनवती महारानी जुया विज्याह्मले काश्यप तथागत भगवान बुद्ध जूह्म बोधिसत्त्व जन्म याना विज्यात । वथ्यें नातूँ ध्व कलियुग प्रथमचरणे शाक्यमुनि भगवान बुद्ध जुया विज्याह्म सिद्धार्थ कुमार बोधिसत्त्वनं थन लुम्बिनी वने वहे मायादेवी जन्म याना विज्यात ।

आहानं लिपा ध्व कलियुगया द्वितीय पादे तथागत बुद्ध ज्वीह्म थौं कन्हे तुषिता भुवने बोधिसत्त्वया राजा जुया विज्याना च्वंहा मैत्रेय बोधिसत्त्वनं थन लुम्बिनी वने वहे मायादेवी जन्म याना लिपा अनन्त गुणनिधि भगवान बुद्ध तथागत जुया सकल प्राणी गणपिन्त उद्धार याना सवंत्र सुख शान्ति यांना विज्यायि तिनि । थुलि खँ बौद्ध ग्रन्थ रत्ने बांलाक हे उल्लेख जूगु दु ।

थजागु खँ च्वया तगु महायान गण्ड व्यूह सूत्रे च्वंगु बुद्ध वर्णन व्वना च्वया प्रचार याना सकलयात न्यंका तथा धारणा याना लुमंका नित्य

भगवानपिन्त व माया देवी यात पूजा अर्चना वन्दना याना च्वंपि भक्त
जनपिसं तथागत ज्वीम्ह बोधिसत्व जन्म ज्वीगु बखते व तथागत उत्पन्न
ज्वीगु बखते दर्शन यायेदं अवश्यमेव खः धैगु खं वांलाक हे उल्लेख जुया
च्वंगु बौद्ध ग्रन्थ संस्कृत मूल गद्य यागु अनुवाद यानागु खः । थजागु बुद्ध
वर्णन खं सकलसिनं सीकातये योग्यगु खः । बुद्ध गुण वर्णन सीकेगुनं समाधि-
धारणा यायेगु खः ।

थजागु खं प्रतीत मजूपि अपहास यायिपि निन्दक, अवुद्धिष्ठ पिस
तथागत दर्शन प्राप्त ज्वीगु शुभ अवसर गुवलेनं स्वे दैमखु धैगुनं उल्लेख
जुया च्वंगु दु ।

लुम्बिनी वर्णन

त्रिसाहस्र महासाहस्र लोक धातु भागवती चानुष्टोपिका त्रैगु जम्ब द्वीप छग
लुम्बिनी वन खः । व लुम्बिनी वने भगवान वैरोचन तथ गत तुण्ठिता भवनं ववहां
विज्याना विपुल तेजोमय प्रकाश ज्योति जाज्वल्यमान ज्वीक रश्मि पिक्या
वाग्नि वृक्ष सिमाक्वे च्वना सर्व प्रथम ध्यान याना विज्यान ।

अवने भगवान वैरोचन तथागत यागु त्रिगुन तेजोमयं सुतेजो
मण्डल रतिश्री रात्रि देवता देवी प्यहां विज्याना अवतरणजुन । उगु वस्सते
सुतेजोमण्डल रतिश्री रात्रि देवता देवीयात भगवान वैरोचन तथागतं भविष्य
काले थन लुम्बिनी वने बोधिसत्व जन्म अवतरण ज्वीगु भविष्यवाणी कना
विज्वात ।

अवले निसैं सुतेजोमण्डल रति श्री रात्रि देवतां लुम्बिनी वने बोधिसत्व
अवतरण ज्वीगु अनुस्मृति लुमंका विहार याना च्वं च्वन । वसपोल सुतेजो
मण्डल रतिश्री रात्रि देवता धम्म लुम्बिनी वनरक्षक देवी खः । लुम्बिनी
वने २०,००० नीदोलं मयाक देव देवीपरिवार गणपि मुंका लुम्बिनी
वने सर्वरत्न द्रुम शाखा कूटांगारे मणिपद्म गर्भं सिंहासने विज्याना लुम्बिनी
रक्षक जुया विज्याना च्वन ।

वसपोल सुतेजोमण्डलरति श्री रात्रि देवता लुम्बिनी देवी थः सकल
परिवार पित्त थन लुम्बिनी वने बोधिसत्व उत्पत्ति जूवंगु खं समुद्र यागु लंख
वेगं न्ह्यागू थ्ये बोधिसत्व पिंगु वुद्ध गुण न्ह्याना च्वगु सर्व बोधिसत्व जन्म
समुद्र निर्देशं नाम सूत्रान्त प्रकाश याना उपदेश विद्या च्वन ।

अजागु वखते छन्हु दिने धन्याकर नगरे च्वेह्य ऋद्धि सिद्धि युक्त
 पुरुषार्थ दुह्य बौद्ध विद्वान सुधन श्रेष्ठि दारकं महायान बोधिसत्व चर्य
 ह्यसीकेत उत्सुक याना सर्वजगतयात रक्षा यायेगुलि पराक्रम मिकया च्वह्य
 बुद्धगुण यागु धर्मानुशासने च्वना लुम्बिनी वनया रक्षक जुया विज्याह्य
 सुतेजोमण्डल रति श्री रात्रि देवता यात कल्याण मित्र घका लुमका महायान
 धर्मानुशासन स्मरण याना लुम्बिनीवने बुद्ध जन्म भूमि प्रस्थान जुया वना
 च्वंगु जुया च्वन ।

उगु वखने व सुधन श्रेष्ठि दारक लुम्बिनी वने थ्यंका लुम्बिनी वन
 यात नमस्कारयाना मात्रं तेज प्रकाश वया लुम्बिनी वन देवी सुतेजो मण्डल
 रतिश्रीरात्रि देवतायात तापाकं निसें खना प्रणाम याना न्होने वना सोवन ।

वसणोल सुतेजो मण्डल रतिश्री रात्रि देवता लुम्बिनी वनदेवी थः परि-
 वार गणपि मुंका सिंहामने च्वना च्वंगु खना न्होने वना पानि भोपुया
 वन्दना याना एकान्ते फेतुना थथे घाल ।

हे देवते ? जि अनुत्तर सम्यक सम्बोधि यागु ज्ञान प्राप्त यायेगु
 अभिनाया याना च्वं च्वना । जि छुं नं मस्यू । थन लुम्बिनी वने बोधिसत्व
 गथे उत्पत्ति ज्वोगु ? । बोधिसत्व जन्म यायिह्य मांनं बोधिसत्व गथे प्रकट
 याना क्यनीगु ? । तथा सकल सत्व प्राणीपिगु न्होने बोधिसत्व गथे प्रकट
 जुया क्यनीगु ? । तथागतपिगु बुद्धगुणयागु आलोक गथे याना क्यनीगु ? ।
 हानं बोधिसत्व चर्ययागु शिक्षा गजागु खः । जित बोधिसत्व चर्ययागु शिक्षा
 विया विज्याहुँ ।

थथ्ये धागु खँ न्यना लुम्बिनी वनदेवी सुतेजो मण्डल रतिश्री रात्रि
 देवता थथे घं विज्यात ।

“हे कुलपुत्र ! छ धन्य खः । साधु साधु खः । खँ न्यं । जि थन
 लुम्बिनी वने भगवान वैरोचन तथागतयागु विपुल तेजोमयं प्यहाँ वया

अवतरण जुया बयाह्य रात्रि देवता खः । त्रिमाहम्त्र महा माहस्त्र लोक घानु
 भागवती चातुद्वीपिका घंगु जम्बु द्वीप थ्व लुम्बिनी वन खः । थने लुम्बिनी
 वने बोधिसत्व अवतरण जुया विज्यागु ममये न्हापा लाक हे प्रणिधान
 उत्पन्न जुल । अवले जि बोधिसत्व जन्म ज्वीगु अनुस्मृति लुम्बिका विहार
 याना च्वना । जि थन चाहिला विहार याना १०० सद्धिदं लीपा हानं
 भगवान वैरोचन तथागत तुपिता भुवन ववर्हा विज्याना बोधिसत्व जन्म
 अवतरण ज्वीगु जुल घका भविष्यवाणी कना विज्यात । वसपाल भगवान
 वैरोचन तथागतयागु प्रभावं थन लुम्बिनी वने जित अप्रमेय कल्प सर्वारम्भण
 बोधिसत्व जन्म विकुवित संदर्शन बोधिसत्व विमोक्ष लाभ जूगु खः ।

हानं सुधन श्रेष्ठि दारकं न्यन । हे देवते ? “अप्रमेय कल्प सर्वारम्भण
 बोधिसत्व जन्म विकुवित संदर्शन बोधिसत्व विमोक्षः” घंगु छु खः ? ।
 थ्वया प्रभाव छु खः ? ।

सुतेजो मण्डल रतिश्री रात्रि देवतां घं विज्यात— हे कुलपुत्र ? अप्रमेय
 कल्पसर्वारम्भण बोधिसत्व जन्म विकुवित संदर्शन बोधिसत्व विमोक्ष लाभया
 अर्थ विस्तारं कने । न्य ।

हे कुलपुत्र ! थन लुम्बिनी वने १० फिगु प्रकारयागु पूर्व निमित्त
 उत्पत्ति जूगु दु । छु छु धाः सा—

१) ह्वापां थन लुम्बिनी वने ह्वापायागु लुम्बिनी वन समान स्थान जुया
 तकि तकि जागु छुते जूगु तेज युक्त अभ्रमेघ उत्पन्न जुल ।

२) लिपा अनेक अनेक प्रकार यागु रत्न ध्ये तेजमय जुनेलि सिमा व पंक्त
 मिते जूगु तालवृक्ष चाहिला च्वंगु स्थान उत्पत्ति जुल ।

३) तःसकं नस्वागु अत्तरध्ये आनन्दमय सुगन्धित नस्वा वंगु जडीबुटी व
 ध्वजाकार मेघ मण्डल उत्पत्ति जुल ।

४) अनेक प्रकार यागु स्वांमा अनेक जातयागु यइपुस्ये च्वंगु नस्वागु सुगन्धित स्वां ह्वया लुम्बिनी वनयात तिसा थ्ये उत्पत्ति जुल ।

५) हानं थन लुम्बिनी वने फुक्क सिमाया थाये थासे तःधंगु रत्नमणि अमूत्पगु चीज उत्पत्ति जुल ।

६) थन लुम्बिनी वने धरणी तलं क्वं निसें लः उत्पत्ति जुया थाय् थासे रमणीय पुखू जुया व पुखुनी हिराथ्ये जागु स्वां तेजमय प्यहाँ वंगु सुगन्धित स्वां उत्पत्ति जुल ।

७) हानं यावन्त लोक धातुस च्वना च्वंपि कामा वचरा रुपा वचरा घैपि अप्सरा गण तथा देवपुत्र गणपि नाग यक्ष गन्धर्व देव गरुड किन्नर महोरग राजा महाराजा देवरजा दक्क थन लुम्बिनी वने वया प्रणाम याना बुद्ध लुमंका ध्यान याना च्व वल ।

८) हानं यावन्त चातुर्द्वीपिका लोक धातुस च्वना च्वंपि देव कन्या, नाग कन्या, यक्ष, गन्धर्व, किन्नर, महोरग व गरुड कन्या गणापि वया प्रसन्न मनयाना पूजाया ज्वलें ज्वना पूजा याना च्व वल ।

९) हानं १० ऋगु दिशाय् विज्याना च्वंपि तथागतभगवान बुद्ध ऋगु नाभि मण्डलं वाधिसत्व जन्म विकुवित तेज पंच रश्मि प्यहाँ वया थन लुम्बिनी वने शोभायमान जुया च्वन ।

१०) हानं १० ऋगु दिशाय् च्वंपि भगवान बुद्ध तथागत पिगु पंच रश्मि मण्डलं सकल भगवान बुद्ध तथागत पिगु जन्म विकुवित तेजं खया च्वन । व तेज मण्डले वाधिसत्व पिगु बुद्ध गुण न्ह्याना च्वगु तथागतपि विज्यागु शब्दवया च्वन ।

थुलि १० ऋगु प्रकारयागु पूर्व निमित्त उत्पत्ति जूगु कारण बोधिसत्वजन्म कया विज्यापिगु समये थथे ज्वीगु खः । थुगु प्रकार थुलि प्रादु भावि ज्वीवले देवगण देवेन्द्र परिवार पिसं बुद्ध ज्वीम्ह वाधिसत्व अवतरण ज्वीन धका सीका काई ।

युनि १० ऋगु प्रकार यागु पूर्वनिमित्त दर्शन याये मात्र जिन तः
 धंगु आनन्दमय प्राप्त ज्वीगु " अयमेव कल्प मर्त्यरम्भण बोधिसत्त्व जन्म
 विकुर्वित संदर्शन बोधिसत्त्व विमोक्ष " नाम जगु स्वः धकामुघन श्रेष्ठ
 दारक यात बाँलाक खँ श्रीक कना विज्यात ।

लुम्बिनी बने मायादेवी

हानं मायादेवी कलिल वस्तु महानगर रथे चवना थन लुम्बिनी बने उद्याने
 विज्यागु वखते हानं मेगु १० ऋगु प्रकार यागुपूर्व निमित्त उत्पत्ति जुया व
 चवन । व छु छु घासा -

- १) थन लुम्बिनी वनया धरणी तले सर्वरत्न कुटांगार गर्भ उत्पत्ति जुन ।
- २) हानं अनेक प्रकार यागु नस्वागु सुगन्ध युक्त अनेक जात यागु स्वां
 हीरायागु तेजथ्ये प्रकाश वंगु स्वँ स्वँहे म्वे मगागु स्वां यगु हने तेज वया
 चवन ।
- ३) अनेक प्रकारं बुद्धगुण म्वे हाला हैगु बुद्ध प्रार्थना यागु पंछि तेगु स्वर
 वया चवन ।
- ४) अप्सरा पिंगु मचुरं बुद्ध प्रार्थना गीत यागु स्वर वया चवन ।
- ५) १० ऋगु दिशाय् विज्याना च्वंपि बोधि सत्त्वगण विज्याइगु जुया
 चवन ।
- ६) बोधिसत्त्व पिंगु सर्वपार मिता ज्ञान यागु शब्द वया चवन ।
- ७) सर्व प्रणिधान यागु ज्ञाना लोक खने दया वै चवन ।
- ८) सकल बोधिसत्त्व पिंगु धर्म घातु मण्डले दुने च्वंगु ज नालोक खने दया
 वै चवन ।
- ९) तथागत ज्वीपि बोधिसत्त्व पिंगु धर्म घातुमण्डले दुने च्वंगु ज्ञानालोक
 स्पष्ट रूपं बाँलाक खने दया वै चवन ।
- १०) एवं प्रकार सकल बोधिसत्त्व पिंगु तथागत विकुर्वित जन्म अभिनि-
 ष्क्रमणजूगु बोधिसत्त्व पिंगु बोधिज्ञानया आलोक स्पष्ट रूपं खने दया

च्वन । अन लुम्बिनी वने माया देवी विज्यागु वल्लते थुलि १० फिगुप्रकार यागुपूर्व निमित्त खने द॥ वं च्वन ।

हे कुन पुत्र ! हानं लुम्बिनी वने माया देवी प्लक्ष बोधिवृक्षसिमा ववे विज्यावने सकल देवगण देवेन्द्र राजा, काम धातुस च्वना च्वं पि देव पुत्र पि अप्सरा गण देव कन्या परिवार पि रूपा वचर कामावचर देवपुत्र देवनाग यक्ष गन्धर्व किन्नर महोरग सपरिवार पिसंपुजा यागु पुजाभ ज्वलं ज्वना पूजाया वं च्वन ।

हानं माया देवीयागु तेजं वालाना च्वगु रूप यागु उज्ज्वल तेज त्रिसाहस्र महासाहस्र देवलोक थ्यं वना सर्वत्र जगते थ्यं तेजं खये मात्रं दुःखसिया च्वं पि, नरके वना च्वं पि, यमलांके शासना नया दुःखसिया च्वं पि पापि तेगु पाप दक्कोमदया वन । सकल प्राणी गण उद्धार जुया सुखी आनन्द जुया च्वन ।

थन लुम्बिनी वने प्लक्ष बोधिवृक्ष सिमाववे विज्याम्ह मायादेवी यागु शरीरया चिमिसं प्वा पतिकं प्यहां वोगु रोम विवर तेज वया च्वंगुलि य वन्त न्हापा बोधिसत्व जुया विज्यापि महायान बोधिसत्व चर्ये चर्य याना च्वं पि बोधिसत्व गण व न्हापा जुया विज्यापि तथागतपि विज्याना " मां " घका सम्बोधन याना पूजा सत्कार प्रणाम यागु दृश्य खने दया च्वन । न्हापा तथागत जुया विज्यापिसंनं " जि'मतनं जन्म याना विज्याम्ह छनपोल मां खः " घका भिगु वान्नागु शब्द वया च्वन ।

हानं वसपोल मायादेवी यागु शरीरं प्यहां वोगु रोम विवर तेजया दुने " न्हापा जि हे जन्म यानाम्ह भगवान बुद्ध तथागत पुत्र घका खने दया वोगु न्हापायापि भगवान बुद्ध तथागत पिगु दृश्य खने दया वं च्वन । वसपोल माया देवीया पुत्र तथागत पिस धर्मोपदेश विया वगु दृश्यनं स्पष्ट ज्वीक खने दया वं च्वन । न्हापा पूर्व काले बोधिसत्व न्हापा मनृष्य जुया जन्मकया सुख दुख भोग याना निपा वसपोल मायादेवी मांनं बोधिसत्व

जन्म यांना तथागत जुया विज्यागु दृश्यनं माया देवो यागु रोमविवर
तेजे दुने बांलाक हे दृश्य खने दया वै च्वन ।

धुनि थन लुम्बिनी वने बोधिसत्व यागु जन्म विकुवित तेज उत्पत्ति जुया
च्वं च्वन ।

अनं लिपा माया देवीयागु कुक्षि गर्भ मण्डलं सूर्य मण्डल थ्ये अत्यन्त
जाज्वल्यमान ज्वीक तेज प्पहां वया अन्धकार दक्खो मदया वन । आकाशे
विद्युत्तमेघं तोपुल । अनेक प्रकारयाग मेघमालां तोपुया शब्दायमान जुया
पृथ्वी कम्प जुल । अले हानं मेघमाला अलग २ छुते जुया पंचरश्मियागु
तेज प्रकट जुया आकाशे शोभायमान जुया च्वन ।

थगु प्रकारं वैशाख पुत्ती खुन्हु माया देवीयागु कुक्षि गर्भमण्डलं जगु याक्वं
प्पहां विज्याह्म बोधिसत्व ३२ स्वी निता लक्षणपूर्ण सुन्दर रुप धर्मया
गरीर जुया विज्याह्म बोधिसत्व सिद्धार्थ कुमार दर्शन विल । बोधिसत्व
सिद्धार्थ कुमार जन्म ज्वीवें ७ न्हेफो पलेस्वां उत्पत्ति जुल । न्ह्य्फो
पलेस्वांया छाने बोधिसत्व सिद्धार्थ कुमार न्हेपला छिना विज्यात ।

पूर्व दक्षिण पश्चिम उत्तर प्यंगु दिशा स्वया “ जि सकल प्राणी गण
पिन्त उद्धार याये निमित्ते थौं थन लुम्बिनी वने प्रकट जुयागु खः ” धया
विज्यात । हानं सम्पूर्ण प्राणी पिन्त उद्धार ज्वीगु खनं न्वे वाना विज्यात ।
“(सिद्धार्थ कुमारं न्वे वाना विज्यागु खें ललित विस्तरे दु)” ।

अवले जि बांलाक हे दर्शन यांना च्वना । उगु बसते जि बसपोल
बोधिसत्व सिद्धार्थ कुमारया घाईमां जुया च्वना ।

हे कुलपुत्र ! न्हापानं अथेहे थन लुम्बिनी वने छगु कल्पे पूर्व काले
अगरिमाण वर्षे तसपोल माया देवी सुहंसित प्रभेश्वरा देवी महारानी जुया
ईश्वर गुणापराजित ध्वज तथागत जुम्ह बोधिसत्व जन्म यांना विज्यात ।
थ ागु लुम्बिनी वनयात रक्षा याये निमित्ते भगवान वैरोचन तथागत यागु

जन्म विकुर्वित तेज द्वारा जिअवतरण जुया वयाम्ह खः । वगपोल भगवान वैरोचन तथागत यागु जन्म विकुर्वित तेज द्वारा सछिगु कोटी कल्प नकनं जि अवतरण जुया चवनेमानि । थुगु प्रकार जि बुद्ध क्षेत्रे परमाणु रजगा घूया प्रमाणं अन्तर्गते थ्यंक छगु छगु बुद्ध क्षेत्रे दवको बोधिसत्त्व जन्म ज्वीगु समये अवतरण जुया चवनेमानि ।

थुगु कारणं “अप्रमेय कल्प सर्वात्म्येण बोधिसत्त्व जन्म विकुर्वित संदर्शन बोधिसत्त्व विमोक्ष लाभ” धैगु उलि थुलि घका संख्या याये मफुगु कल्पं कल्पया सम्पूर्ण आरम्भणे बोधिसत्त्व जन्म ज्वीगु स्वे दंगु, न्हापायागु कल्पं निसें लिपा तकं बोधिसत्त्व गणपि जन्म जुया विज्यायिगु, लिपा तथागतजुया विज्यायिगु समये तथागत दर्शन प्राप्त ज्वीगु खः । थजागु यात “अप्रमेय कल्प सर्वात्म्येण बोधिसत्त्व जन्म विकुर्वित संदर्शन बोधिसत्त्व विमोक्ष लाभ” घका धाई ।

हे कुलपुत्र ! जि थन लुम्बिनी वने चवना विहार याना १०००० छिदो वर्ष विते ज्वी घुंका हानं तुषिना भुवनं भगवान वैरोचन तथागत ववहां विज्यायि तिनि । वसपोल भगवान वैरोचन तथागतं हान लिपा अहन् सम्यक् सम्बुद्ध भगवान बुद्ध तथागत उत्पन्न ज्वीगु बुद्ध गुण कना विज्यायि तिनि । अवले जि दर्शन याना पूजा याना चवने । भगवान बुद्ध तथागत पिगु घर्मोपदेश न्यना घर्म रुपी अमृत पान याना चवने । महायान घर्मो चवना त्रियान घर्म प्रतिपादन याना चवने । तथा प्राणी गणपिन्त रक्षा याना चवने । घका सुतेजोमण्डलरतिश्री राशि देवतां सुघन श्रेष्ठ दारक यात थुगु प्रकारं लुम्बिनी वर्णन कना विज्यात ।

थजागु लुम्बिनी वर्णन सुनां धारणा यायि । लुमंका चवनी । वयत लिपा आपालं तथागत दर्शन प्राप्त ज्वी । दिव्य देह जुया सदानं सुख आनन्द ज्वीका चवने दै । अनेक प्रकार यागु दुख भोग याये मालि मखु । सदानं उच्च कुले जन्म कावने दै । भिगु सुख भोग याना लिपा अग्र बोधि जू वने कै । धैगु बुद्ध गुण वर्णन महायान गण्ड व्यूह सूत्रे उल्लेख जुया चवंगु दु । थजागु खं पठन पाठन व धारणार्थ अत्यन्त उपयोगी खः ॥

लुम्बिनी वने भगवान बुद्धयात सिन्दूर जात्रा यागु

वसन्त ऋतुसिद्धार्थ कुमार बोधिसत्त्व राजदरवार ऐश्वर्य सुख भोग दक्ख
त्पाग याता अभिनिष्क्रमण जुया वनान्तरे वना तपध्यान याता विज्यात ।
१२ किं निदं नक तपध्यान याता मार पराजय याये धुंका बोधिज्ञान प्राप्त
याता शक्य मुनि भगवान बुद्ध अहंत् सम्यक् सम्बुद्ध जुया लिपा सार
नश्च मृगदा वने विज्याता सर्वप्रथम पंचभद्र वर्गीय पित्त धर्मोपदेश विया
धर्म चक्र प्रवर्तन याता विज्यात ।

हानं अनं लिपा असंख्य बोधिसत्त्व व नर नारी सकल प्राणीगण व
देव दैत्य गन्धर्व किन्नर महोरग सकलयात धर्मोपदेश विया हानं धर्म चक्र
प्रवर्तन याता विज्यात ।

अजागु अवस्थाय नर नारी गण प्रव्रजित जुया शारिपुत्र व मोङ्गल्यायण
अनन्द काश्यप पूर्ण मैत्रायणी रेवत सूभूति अनिरुद्ध नन्दिक कप्फिण
कात्यायण सहित ६० खीह्य महा श्रावक गणपित्त अवैवर्तिक प्राप्त जुया
भगवान बुद्धया अग्र श्रावक जुल ।

शाक्यमुनि भगवान बुद्ध धर्म चक्र प्रवर्तन याता धर्मोपदेश विये धुंका
मृगदावने थःगु आसनं दना विज्यात । शारिपुत्र मोङ्गल्यायण जः खः तथा
मेपि महा श्रावक पि ल्युने तथा लुम्बिनी वने धका प्रस्थान याता विज्यात ।

अजागु वखते स्वर्ग लोके च्वंप्पि गन्धर्व किन्नर महोरग एवं विद्याधर
देवपुत्र गण अप्सरा गणपि सकल वया न्ह्योने पंचताल तथा अनेक मृदंग

बाजा थाना भेरी पोंगा पुया तूर्य आदि बीणा तवला व अनेष वाजः थाना बुद्धनाम कया प्याखं हुया उत्सव याना वया च्वन । उगु वखते शाक्य मुनि भगवान बुद्ध तथागत थः जन्म जूगु जन्म भूमि लुम्बिनी वनं प्रवेश जुया विज्यात ।

अजागु अवस्थाय् वैकुण्ठ भुवन कैलाश भुवन ब्रह्मा वायिका ब्रह्मास्वरा भुवन आदि स्वर्गं लोके च्वं पि देवतागण ब्रह्मा महेश्वर ईन्द्र नारायण लक्ष्मी सरस्वती कुवेर अग्नि देवता यमराज आदि देवता गणपि वया भगवान बुद्ध शाक्यमुनि तथागत यात नमस्कार याना सत्कार गुरुकार श्रद्धा आदर तथा उपस्थित जू वल ।

उगु वखते देवतागणपिसं बुद्धयात स्तोत्र याना बुद्धयागु न्ह्याने ब्रह्मां तुफि ज्वना बं पुना बिल । वरुण नाग राजां लंख धारा हायेका मार्ग संशोधन याना बिल । सरस्वती देवीं पीताम्बर वस्त्र वसा लाया बिल । लक्ष्मी देवीं बुद्धयात पंखां गायेका बिल । महेश्वर महादेवं बुद्धनाम कया डमरु थाना बिल । नारायणं बुद्धनाम कया शंख पुया बिल । यमराजं दण्ड ज्वना बुद्धनाम कया च्वन । यजापि देव देवीं पिसं स्तोत्र याना बुद्धं शरणं गच्छामि धका उच्चारण याना च्वन ।

हानं पीताम्बर वस्त्र वसा लाया तगु छोने यक्षेश्वर कुवेरं घन रत्न हिरामणि पोंका वया च्वन । अनं लिपा शेषनाग राजायागु म्हे छोने भगवान बुद्ध विज्याका शेषनाग राजा न्ह्यां वना च्वन ।

भगवान बुद्धया जवे खवे शारिपुत्र मौद्गल्यायणं च्वांमोलं गायेका दशपारमिता गाथा व्वना च्वन । देवराज ईन्द्रं भगवान बुद्धयात सुवर्णं छत्रं कुयेका च्वन । अनं ल्यूने वायु देवतां ध्वज पटाका व्वयेका अग्नि देवतां मकले सुगन्ध घूर थना वया च्वन । अनं ल्यूने महा श्रावक गणपिसं स्तोत्र याना बुद्ध स्तुति व्वना वया च्वन । विद्याधरी देव कन्या असरापिसं ताय्

सिन्दूर अभीर ह्वना सिन्दूर जात्रा याना नमो बुद्धाय नाम कया म्ये हाला वया च्वन ।

अनं ल्यूने यक्षराक्षस दैत्य गणपिसं अनेक वाजा मृदंग स्त्रि दाफा पंचताल धिग्मे थाना मुरली पोंगा पुया बीणा थाना बुद्ध धर्म संघ नाम कया पंचताल धिग्मे वाजायागु ताल मिले याना मांगलिक प्याखें हुया वै च्वन ।

हानं आकाशे गगन देवता पिसं अनेक प्रकारयागु मुगन्धित नस्वागु स्वां वर्षा याना स्वां पाशं ह्वला भगवान बुद्धयागु स्तोत्र ब्वना आकाशे गुञ्जायमान ज्वीक त्रिरत्न नाम उच्चारण याना भगवान बुद्धयात गुरुकार आदर सत्कार याना शोभायमान ज्वीका च्वन । थुगु प्रकारं लुम्बिनी वने बिज्याहा भगवान बुद्ध शाक्यमुनि तथागतयात अनेक देवता पिसं सिन्दूर जात्रा याना लुम्बिनी वन छगुलिं शोभायमान ज्वीक बुद्ध पूजा बन्दना याना वै च्वन ।

हानं लुम्बिनी वनया माकः तय्सं फंसि ज्वना भगवान बुद्धयात प्रणाम याना अनेक फलफुल छाया बुद्धयागु रश्मि युक्त बाँलागु स्वा स्व स्वं वया च्वन । हानं कंग पंछि तय्सं मधुर स्वरं पिकया बुद्धयागु नाम उच्चारण याना नमो बुद्धाय धका मधुर स्वरं थः थःगु भाषं म्ये हाला वै च्वन । हानं मनुष्य गणपिसंनं अनेक मृदंग वाजा थाना अनेक प्रकारयागु पोंगा तूर्य भेरी पुया बीणा थाना नमो बुद्धाय नाम कया म्ये हाला बुद्ध पूजन बन्दन प्रणाम याना वै च्वन ।

एवं प्रकारं राजा प्रजा स्त्री नारी गण व कुमारी कन्या गणपिसं पुजाभ ज्वना अभीर ताय् सिन्दूर ह्वला हानं अनेक जातयागु स्वां ह्वला भगवान बुद्धयात पूजा सत्कार गुरुकार बन्दना अर्चना प्रणाम याना बुद्धनाम कया “नमो बुद्धाय नमो भगवते शाक्यमुनये तथागता पाहंते सम्यक सम्बुद्धाय” धारणी ब्वना स्तोत्र याना बुद्ध जात्रा याना वै च्वन ।

अनंलि यजागु प्रकारं सकल देव दैत्य मनुष्य गण उपस्थित जूगु बखते भगवान बुद्ध शाक्यमुनि तथागत लुम्बिनी वने जन्म स्थान वंगल सिमा बोधिवृक्षया बोधिमण्डे विराजमान जुया विश्राम याना बिज्यात ।

सकल उपस्थित देवता गणपि ब्रह्मा ईन्द्र महेश्वर नारायण लक्ष्मी सरस्वती कुवेर अग्नि देवता यमराज बिद्याधर अप्सरा गण यक्ष गन्धर्व किन्नर महोरग गरुड यक्ष राक्षसगण पिसं पुजाभ ज्वना भगवान बुद्धयात पूजा याना पालि भोपुया प्रणाम याना स्वचा चाहुला त्रिप्रदक्षिणा याना भगवान बुद्धयागु सद्धर्मोपदेश न्यने धका एकान्ते फेतुना भगवान बुद्धयागु खा स्वया च्वन ।

अनलि हानं लुम्बिनी वनया रक्षक सुतेजो मण्डल रतिश्री रात्रि देवता, वासन्ती रात्रि देवता, सर्व वृक्ष प्रफुल्ल, संवासा रात्रि देवता आदि अनेक देवी देवतापि उपस्थित जुया भगवान बुद्धयात पूजा याना पालि भोपुया प्रणाम याना सेवा याना च्वन ।

हानं मनुष्य गण राजा रानी प्रजा नर नारी गण कन्या गण पिसं भगवान बुद्धयात पूजा याना बुद्धयागु पालि भोपुया स्वचा चाहुला त्रिप्रदक्षिणा याना सद्धर्मोपदेश न्यनेत एकान्ते फेतुना भगवान बुद्धयागु खा स्व स्वं मगागु सुन्दर मुख खा स्वया च्वन ।

यजागु बखते भगवान बुद्ध शाक्यमुनि तथागत अर्हत् सम्यक सम्बुद्धं यःगु ह्लातिका च्वंगु ऊर्णा कोशं पंचरश्मि पिकया समाधि योग ध्यानद्वारा फिगु दिशाय् थ्वंक रश्मि खय्का सकल प्राणी गणपिन्त सुदृष्टि स्वया बिज्यात ।

अनंलि लिपा समाधि योग ध्यानं दिना सकलयागु खा स्वया संसार यागु हेतु दृष्टि प्रलय जुया वैगु हानं नाश जुया वनीगु अनित्य दुः खयागु खँ कना धर्मोपदेश बिया निर्वाण पर्यवसायी धर्म पर्याय सूत्रान्त देशना याना बिज्यात ।

अनंलि भगवान् बुद्ध शाक्यमुनि तथागतं यजागु सद्धर्मोपदेश कना विज्यागु सकलमिन न्यना आश्चर्यं जुया संसारं च्वना व्यवहारे जक लगे जुया च्वनेगु अप्रिय दुःख आदि अनेक दुःख खना तथा दुःख ताया आपालं स्त्री पुरुष नर नारीपिसं भगवान् बुद्धयागु उपदेश अनुसार बुद्धयान भद्रचरी प्रणिधान बोधिचर्यं यायेगु उत्सुक जुया च्वन ।

अनं लिपा वसपोल भगवान् बुद्ध लुम्बिनी वने बोधि मण्डपयागु आसने च्वना धर्मोपदेश विया विज्याये धुंका सकल उपस्थित देव देवता ब्रह्मा विष्णु महेश्वर ईन्द्र सरस्वती लक्ष्मी विद्याधरी अप्सरा गण देवपुत्र देव कन्या वायु देवता अग्नि देवता यमराज यक्ष राक्षस गन्धर्व किन्नर महोरग गरुड आदि देवता गणपिसं भगवान् बुद्धयात नमस्कार याना स्वचा चाट्टला आकाश मार्गं यः यःगु भुवने त्याहां विज्यात ।

अनंलि वसपोल भगवान् बुद्ध शाक्यमुनि तथागत लुम्बिनी वने बोधि मण्डपया आसनं दना सकल भिक्षुगग मुंका कपिल वस्तु महा नगरे विज्याये धका प्रस्थान याना विज्यात ।

ह्लापा पूर्व कालेनं अनं लुम्बिनी वने ईश्वरगुणापराजित ध्वज भगवान् बुद्ध तथागत विज्यावलेनं अथेहे सिन्दूर जात्रा जुया वंगु दु । वध्यं नातुं दीपंकर तथागत भगवान् बुद्ध विज्यावलेनं थुगु प्रकारं तःधंगु सिन्दूर जात्रा महोत्सव जुया वंगु दु ।

यजागु लुम्बिनी वने आपालं बोधिसत्व जन्म अवतरण जुया लिपा भगवान् बुद्ध तथागत अर्हत् सम्यक सम्बुद्ध जुया विज्यायि अनं लुम्बिनी वने थुगु प्रकारं महोत्सव सिन्दूर जात्रा जुया वन धका विद्वान धर्म भाणक पिसं कना वंगु महायान सूत्रयागु बुद्ध वर्णन महात्म्य नेपाल भाषा अनुवाद याना प्रकाश यानागु जुल । शुभम् ॥

बुद्ध गुणयागु भबिष्य वाणी

शाक्यमुनि भगवान बुद्ध निर्वाण जुया १०,००० फिद्वल वर्ष बिते ज्वी घुंका लिपा तुषिता भुवने च्वह्य वर्तमानया मैत्रेय बोधिसत्व महासत्व मर्त्य लोके क्वहां विज्याना वाराणसी क्षेत्रे ब्राह्मण कुले राजाया काय् राज कुमार बोधिसत्व ज्वीत थन लुम्बिनी बने जन्म कया बिज्याई ।

लिपा २० नोदंया उमेरे गृह त्याग याना बनान्तरे ताल वृक्ष सिमा क्वे च्वना आस्फाण योग तथा ८ वर्ष च्याद तक तपस्या याना बिज्याई । उगु बखते मार पराजय याये घुंका अनन्त गुण निधि भगवान बुद्ध अहंत् मम्यक सम्बुद्ध तथागत जुया सकलयात बोधि ज्ञान धर्मोपदेश बिया विज्याई ।

वसपोल अनन्त गुण निधि भगवान बुद्ध तथागत जुया अन लुम्बिनी बने विज्याईवले थुगु प्रकारं सिन्दूर जात्रा ज्वी । तुषिता भुवने मैत्रेय बोधिसत्वया लिपा सिंह बोधिसत्व राजा ज्वी । वसपोलनं लुम्बिनी बने बोधिसत्व जुया जन्म कया लिपा तथागत जुया बिज्याई ।

हान तुषिता भुवने सिंह बोधिसत्वया लिपा प्रद्योत केतु बोधिसत्व राजा ज्वी । प्रद्योत केतु बोधिसत्वन लुम्बिनी बने अवतरण जुया जन्म कया लिपा तथागत जुया बिज्याई । वसपोल तथागत पित्तनं लुम्बिनी बने सिन्दूर जात्रा ज्वी ।

अनं लिपा हानं तुषिता भुवने प्रद्योत केतु बोधिसत्वया लिपा सुनेत्र बोधिसत्व राजा ज्वी । वसपोल सुनेत्र बोधिसत्वनं तुषिता भुवनं क्वहां विज्याना लुम्बिनी बने अवतरण जुया तथागत जुया बिज्याई । वसपोल

यातनं लुम्बिनी बने अथेहे सिन्दूर जात्रा ज्वी । अन लुम्बिनी बने हानं मेगु
राजधानी निर्माण ज्वी तिनि ।

बसपोल बोधिसत्त्वपि माया देवीं हे जन्म याना विज्याईगु छः ।
उकेया निर्मिती माया देवीयात बुद्ध जननी प्रज्ञादेवी घागु जुया च्वन । एवं
प्रकारं लुम्बिनी बने लिपा बोधिसत्त्व अवतरण जुया बिज्याई पिगु नाम
आपालं दु । धजागु खं सीकेगु हे बोधिज्ञान लाभ ज्वीगु छः धका उल्लेख
जुया च्वंगु दु । । शुभं भवतु सर्वदा ।

अनुवादकया मेगु कृति

१- सद्धमं पुण्डरीक वैपुल्य सूत्रम् नेपाल भाषां अनुवाद याना २०४७ साले पिदने धुंकल । मोल २००।- अत्यन्त उपयोगी सुन्दर ।

२- समाधिराज सूत्र अनुवाद याना च्वंगु दु । समाधिराज सूत्र धैगु सर्व धर्मं स्वभाव समता विपञ्चितो नाम समाधियागु ज्ञान परिपक्व ज्वीगु बोधि ज्ञान खः । जन्म जरा व्याधि मृत्यु थूलि प्यंगु दुख याकनं निरोध जुया वनिगु ज्ञान ह्यसीकेत थ्व समाधिराज सूत्र अध्ययन याना समाधि धारणा यायेमा धैगु बुद्धं उपदेश बिया विज्यागु ज्ञान खः । थजागु समाधि यागु ज्ञानं जक बोधि ज्ञान प्राप्त याये फँ धैगु बुद्धोपदेश बांलाक हे निर्देशन बिया तगु दु । थजागु बौद्ध ग्रन्थ रत्न अध्ययन व नेपाल भाषां पाठ यायेत अत्यन्त उपयोगी ज्वीगु खः । उकेया कारणे थ्व समाधिराज सूत्र नेपाल भाषां अनुवाद याना च्वनागु खः । थ्व सफल ज्वीवले महानुभावसिं सहयोग वी धैगु आशा दु ।

हाल प्रकाश जूगु सफु

३- बुद्ध जननी माया देवी व लुम्बिनी- थ्व ग्रन्थे माया देवी अवतरण जूगु व लिपा अवरण ज्वीगु खँ तथा लुम्बिनी यागु खँ प्राचीन इतिहास नापं लिपा यागु भविष्य वाणी बिया तगु वर्णन न्यने कने योग्यगु उपयोगी सफु खः ।

४- कर्मफल यागु बाखँ- प्रकाश ज्वी धुंकल । रू. १०।-

लिपा प्रकाश ज्वीगु सफु

५- अपाय भूमि गति- निरय- यमलोकयागु खँ ।

६- द्वादशांग सत्य सावरण व निरावरण ।

७- कूटाक्षरे च्वगु सप्ताक्षर दशाक्षर स्वरूप सीकेगु ज्ञान ।

